

通

制

條

格

通制條格卷第六

選舉

選格 至元二十八年六月中書省奏准至元
新格

諸職官隨朝以三十箇月日爲任滿在外以
參過歲爲滿該殺之官各以得代爲滿
吏員須以九十箇月方得出職由職官
轉補者同職官則否未久任滿本管官
司不得輒動公文越例保申果才幹不

凡有事跡可考有從御史臺察舉其非
常選所拘若急關擇人才職相應者臨
時定奪

諸官員雖已任滿得代本身若有侵借係官
錢根見任官司直須追納到官方許給
由聽其求仕

諸官員解由已有定式凡當該給由官司並
須依式勘會別無不盡不實事理方得
保申有詐冒不實并勘當未盡者所由

上司隨即究問察官劄卷日更須加意
檢校但不應給由而循情濫給并理應
出給而刁蹬留難者並聽糾彈

諸在流品人員凡能任繁劇善理錢穀明達
吏事深識治體或器非一用無施不可
者吏部考其功狀加之訪察以類注籍
時備選擇之用

諸銓注官負品類不一用宜相參惟文資壹
負任其簿書計數之責凡於總管官司

不許有闕

諸官員入選視其元係是何出身歷過是何
職任叅以才器大小年齒衰狀宜於何
等闕內銓注不可強其所短因廢人之
所長

諸官員功罪並送吏部標注到選之日於應
得資品上視其功罪斟酌議擬有蔽匿
其罪增飾其功者從監察御史糾彈
諸品官若犯職黜降或屢能作遷事迹昭著

者皆下隨處照會其使在官之人共知
勸誡

諸官員子孫應合承蔭之人比及入仕以來
預使學習政事不致將來曠廢其職到
選之日如本路官司保其才能及問以
政事應對可取者本等人內量與從優
諸歲貢吏員皆當該官司於見役人內不限
名次公同選舉以性行純謹儒吏兼通
者爲上才識明敏吏事熟閑者次之若

月日雖多行能無取者不許呈貢到部
之日公座試驗必說事明白行違閑熟
者爲中如或不應並擬發還元役官司
其當該濫貢人負仍須究問

諸兩廣福建地面或有全闕正官去處比及
朝廷選官到任雖須使人權攝其事今
後先於側近可以摘那見任官內選差
無則許於任滿得代聽除官內選差又
無聽於本省或宣慰司見役請俸人內

選差白身之人不許委用

諸行省管轄官員若有多歲不經遷過時不到任及久曠未注或緊急關官即須照勘明白咨省定奪其到任下任例各標附人員每月通行類咨直隸省部路分准此

至大三年十一月尚書省吏部呈議得常選流官各有應任地方其有年近致仕者省部聽選之際亦常量移近里果有親年七十以上別

無以次侍丁若便憑准本官自具詞因一例近
便遷除中間恐有不實因而壅塞腹裏窠缺不
能遷調合從元籍官司自下而上保勘明白至
日斟酌銓注若有詐冒從監察御史廉訪司體
察都省准擬

五事 中統五年八月欽奉聖旨條畫內一款
諸縣戶品秩雖下所任至重民之休戚繫焉往
往用非其人致使恩澤不能下及民情不能上
通培尅侵陵爲害非一今擬於省併到州縣內

選差循良廉幹之人以充縣尹給俸祿公田專
以撫字吾民布宣新政仍擬五事考校而為陞
殿戶口增田野闢詞訟簡盜賊息賦役均五事
備者為上選三事有成者中選五事俱不舉者
黜

至元九年正月中書省吏部呈講究得外任
親民長官欽依元奉聖旨考校五事量定陞降
五事備者為上於合得品級上陞壹等四事備
者減一資歷三事有成者為中選依常例遷轉

肆事不備者添壹資五事俱不備者降壹等叙用都省准擬

延祐二年二月二十五日御史臺奏南臺官人每文書裏說將來風憲用的官人每合於監察御史廉訪司所舉有司最官及伍事全備有異政實跡的與風憲常選官內相參選用不稱職呵連坐元舉的人每麼道說有俺商量來在前監察御史廉訪司官但凡勾當裏行的官人每根底保舉呵他每行的實跡無保官的名字

體覆官的姓名寫將來者他每滿呵任內保了
這些人解由內開寫將來者他每保的人好呵
添與他名分呵點降他每的名分這般奏准
聖旨行了來今後監察御史廉訪司官保舉來
的最官五事備有異政的民官每如委是材堪
風憲呵選着委用已後行的好呵依着已了的
聖旨添與保官名分若犯贓私呵將元舉的
官點退風憲再不錄用呵怎生奏呵那般者麼
道聖旨了也欵此

殿最 大德十一年十二月欽奉詔書內一款
張官置吏本以爲民祿廩旣頒承廕有叙待遇
之禮不爲不優補報之誠其可弗盡自今以始
各修廼職如或不慎監察御史廉訪司嚴加糾
察年終考其殿最者各一人具實申聞以憑黜
陟

廕例 至元五年二月中書省吏部呈廕叙體
例都省准擬

一取廕官員擬合具父祖前後歷仕根脚所

居官職及去任致仕身故各各年月緣
由抄白所受宣命割付彩畫宗枝指定
承蔭人嫡庶姓名年甲申牒本處官司
勘會房親揭照元籍青冊扣算年甲中
間別無詐冒保結申覆本管上司當官
再行審問相驗相同如承蔭人別無所
患篤廢疾經斷十惡奸盜過名仰抄連
所受憑驗相同彩畫到宗枝依上保結
令承蔭人親齎文解及父祖元受的本

宣命劄付赴部定奪

一隨路府州司縣見任去任致仕身故官員
擬合照依中統三年元報冊上職名定
奪應得品級取廕外據曾經朝廷差設
人負除見居職任官員照依到部呈省
定奪定合得資品廕叙外中統元年以
後去任致仕身故官員如取廕人齎到
本路保申完備文解到部照勘本官前
後歷仕根腳所受付身合行叙用定奪

資品依上蔭叙

至元十九年十二月中書省吏部呈江淮致仕身故官員子孫往往赴部告蔭今來比照腹裏達魯花赤管民官承繼承蔭議擬到下項蔭例都省准擬

一檢會到循行格例至元四年十月欽奉聖旨節該據中書省奏管民官已行迂轉若是承襲有碍迂轉体例今參擬到職官自壹品至七品承蔭叙用條畫乞頒

行事准奏仰照依下項條畫施行准此
諸取廢官不以居官去任致仕身故其承廢
人年及二十五以上者聽

諸用廢者以嫡長子若嫡長子有篤廢疾立

嫡長子之子孫

曾玄同

如無立嫡長同

母弟如無立繼室所生如無立次室所

生如無立婢生子如絕嗣者傍廢其親

兄弟各及子孫如無廢伯叔及其子孫

諸用廢者孫降子一等曾孫降孫一等婢生

子及傍廕者各降一等

謂於各合級品從上降一等

諸廕子入品職循其資考流轉陞遷棄愼才幹者依格超陞特恩擢用者不拘此例其不務守愼及有違犯者依格降罰重者除名

諸自玖品依例迤至三品止於本等流轉二品以上職位選自特旨匠官廕例於循行格例簿內至元十六年四月二十八日承奉中書省判送本部呈約會到工

部官一同議得既管匠官已擬議於管
匠官內遷轉其身故官員弟男若依管
民官品級取廕却緣照得已擬匠官品
級至正玖品以下止有院長名分同院
務例不入流品似難一體廕用今來比
附承廕體例量擬正從伍品子於玖品
匠官內叙用六品七品子於院長內叙
用本衙門保明通曉造作依上廕若在
任公懃廉幹依例漸次陞遷不務守慎

及有過者斷罪重者除名其餘別品以下官員子孫難便定奪若欲奉特旨叙用不拘此例都省准擬

一本部議擬到江淮致仕身故官員察敘體例達魯花赤承繼例議得江淮達魯花赤官員多有前資不應驟陞等級人員難同腹裏一體定奪參詳除投下達魯花赤從本投下差設外據係官達魯花赤致仕身故子孫比依腹裏管民官例

其子孫俱擬承廕應當俟使周歲驗合
廕資品止於江淮任用若欽奉特旨不
拘此例管民官承廕例議得江淮管民
官員除已受宣勅禮任勾當致仕身故
子孫比依前項欽奉聖旨事理一体廕
叙並於江淮任用其不曾之任若前資
有品級者止依前資定奪外照得至元
九年十一月二十四日承奉中書省判
送陸品染品子孫銓注監當差使已後

通驗各界增虧定奪今來叅詳合承廕
之人照依省判定例行省於江淮監當
官內任用並免應當僦使外據受行省
行院諸衙門割付者不在廕叙之限若
欽奉特旨不拘此例匠官廕例議得江
淮管匠官負除已受宣勅札任勾當致
仕身故子孫比依前例一體於江淮匠
官內廕叙其不曾之任若前資有品級
者止例前資定奪依例當僦使周歲於

江淮任用外據陸品柒品子合於各局
院長內廕用同院務例不入流品應廕
之人並免保使發去行省就便委用外
據受行省宣慰司諸衙門劄付者不在
廕叙之限若欽奉特旨不拘此例歸附
官員依上廕叙若欽奉特旨不拘此例
大德四年八月十八日中書省奏奉聖旨節
該上位知識有根腳的蒙古人每子孫承廕父
職兄職呵皇帝識也者除那的已外壹品子廕

正伍品從壹品子廕從伍品正貳品子廕正陸品揆次至柒品色目此漢兒人高臺等定奪欽此

一諸職官子孫廕叙

正壹品子正伍品叙從壹品子從伍品叙

正貳品子正陸品叙從貳品子從陸品叙

正叁品子正柒品叙從叁品子從柒品叙

正肆品子正捌品叙從肆品子從捌品叙

正伍品子正玖品叙

正陸品子

流官於巡檢內用

雜職於省剏錢穀官內用

從陸品子近上錢穀官

正柒品子酌中錢穀官

從柒品子近下錢穀官

一諸色目人比漢人優壹等受廕達魯花赤

子孫與民官子孫一體廕叙傍廕照依

舊例降叙

一正蒙古人若上位知識根脚深重人負取
自聖裁

大德八年二月中書省御史臺呈河東山西
道廉訪司申大德七年八月初六日平陽太原
等處地震房屋盡倒打死人民上司差官拯救
照得各處亦有被死官員未曾憫恤畧舉平陽
路僧人察力威不法等事蒙部省委禮部李貞
外郎宣政院斷事官文牙赤本司副使木溫臣
歸問俱經地震壓死各官靈柩就被浮丘實可

哀痛亦宜取勘令子孫陞等廕用議得地震被災省委等官承廕之人免當僇使從優銓注見
缺

至大四年四月中書省吏部呈照得見欽奉
詔書內壹款節該諸職官子孫承廕須試一經
一史能通大義者免當僇使不通者發還習學
蒙古色目人願試者聽仍於應得品級量進壹
階欽此與禮部官一同議得諸官員子孫第姪
告廕自至大四年三月十八日欽遇詔書日爲

格文字到省部者照依舊例應當保使滿日廕
用三月十八日已後文字到部者除蒙古人及
曾受二品衙門劄付請俸百出身或年過五旬
或止有一子或曾應當怯薛應廕流外之職此
等人數免當保使其余所廕之人直隸省部者
約請翰林國史院官一員與本部官一同欽依
試驗行省所轄去處本省官同儒學提舉或教
授依上考試所據色目人負不願試者擬合依
例應當保使都省准擬

延祐元年六月中書省翰林國史院呈照得
凡有承廕之人願試者本院正官一員就中書
吏部試驗今後如蒙移委監察御史監試無能
上副朝廷作成人才實意都省議得職官子孫
承廕已有定例內則吏部官與翰林國史院官
在行省儒學提舉司等官嚴加考試監察御史
廉訪司依例體察

軍官襲替 至元二十五年樞密院欽奉聖旨
節該軍官承襲雖陣亡了不得呵休委付者雖

年老病故本人了得呵降等則麼合本等委付
欽此除欽依外今後若有身故年老患病妨職
人員子孫弟姪告要承襲承替須要開呈弓馬
武藝熟會譜牒事務開寫本人年甲是否嫡庶
長次有無拋下軍馬保勘一切完備定奪施行
大德十一年七月初一日樞密院奏軍官每
殁了呵他母的替頭裏委付他母的兄弟孩兒
呵依着民官的體例裏外頭交來這裏當一年
俸使第二年委付有那般交行呵他母的氣力

眼費耗了有麼道大都裏有的伴當每題說將來有伴當每的言語是的一般有交免了呵怎生議定來奏呵奉聖旨恁商量的是有交他每根底行呵眼生交也者免了者

至大四年閏七月二十日樞密院奏皇帝登寶位開了詔書凡事從新極治依着世祖皇帝聖旨行時分省得的題奏有軍官每年紀到七十歲呵替頭裏交他每的弟姪兒男行者麼道世祖皇帝立定體例來近年以來年壯的人每

無病推稱有病麼道使見識自己替頭裏交他
每弟姪兒男行了他每却別尋勾當出去了的
多有軍馬勾當不似民間勾當是緊急大勾當
有年紀小的人每交付了行呵用着時耽誤了
勾當去也今後各處遍行與文書交監察廉訪
司官用心將那般使見識趨奸的人每根底并
親面皮不肯子細體覆亂行保舉的人每根底
察知呵罷了勾當永不叙用斷罪呵怎生議定
來奏呵奉聖旨那般者欽此

三十四年閏七月樞密院照得各處咨呈到
襲替軍官中間多有鎮守屯戍年深就彼再求
妻妾所生庶子或乞養過房偏愛妾作嫡長膝
臘襲替及有拋離本貫他處住坐在後因而就
彼附籍本貫却有親戚應繼之人畏避官司勘
當止稱並無落後人口親戚產業其軍前官司
循情申呈總司止於見住去處勘會或有雖經
根元籍貫亦有不曾勾追房親鄰佑人等到官
襲替之人是否嫡庶長次兒男應與不應年甲

反與不及自前至今曾無經紀十惡奸盜過名
有無爲寢疾病爭繼之人一切違碍止稱父命
或以扶同回報人軍官身故別無所生嫡庶兒
男或有兒男年幼並不取問身故軍官家屬是
馬端的反不取權行襲替之人候應繼兒男長
立吐退文字出給執照又應繼之人患病殘疾
不堪承襲止憑證上看驗亦不問本人如何病
經妻的不堪職役詞因繼有取問保勘明白者
其軍前官司即將緊關詞因節畧不明以致疑

感及色目人負多不行移卡管與魯官止憑本
管軍官或見任官司保勘又有新附人負雖無
元籍亦合取問房親隣佑牌甲及襲替之人多
不稱說曾無降到牌面幾年月日解到何處官
司收訖有無直到收管或某人見今收掌總司
亦不辨憑公聽明白相視見任軍官所患年老
病証堪與不堪管軍勾當是否妨職襲替之人
可否管軍止是備坐咨呈定奪亦有不用勘合
開防以致例應襲替之人往往赴院告爭對問

照勘人難除已通行各處今後須要依上一一保勘明白如有似前朦朧咨呈定將當該首領官吏究治定到保勘體式今後並要依式開坐咨呈

一年甲開寫幾年分申告襲替并退職人負各各年甲若干

一諸色目人須要開寫是何人氏漢人高麗新附之類並須依上明白稱說

一籍貫開寫幾年分是何路府州縣附籍如

係色目明白稱說應當何處萬戶千戶
百戶軍身若有其餘頭目所管戶計亦
仰明白稱說見當是何身役

一襲替之人須要經由元籍路府州縣與魯
官司色目並須本管色目與魯勾追房
親鄰佑人等當官審問見告襲替之人
是否嫡長次庶年甲若干曾無經犯十
惡奸盜過名有無爲廢病証若令本人
襲替有無違碍事繼人等各取重甘結

罪文狀仍照元籍相同若有年甲未及
須要取問已故軍官家屬明白供指詞
因仍取權襲之人候應襲者長立年及
即便吐退文狀萬戶府出給執照仍將
承權襲替之人已後吐退文狀明白開
申若有病疾不堪職役必須當官相視
仍取本人明白不能襲替詞因開申已
後若有不應罪及當該官吏

一今後行省并各處提司須要依例當官相

通判韓紹六
視襲替人負堪與不堪管軍退職者是
否年老或患是何病証妨職如委不堪
暨治明白保結咨申已後若有爭差罪
及當該官吏

一、本官元帶是何字號牌面差某人赴何處
納訖獲到何處令史某人承行收管公
文或未納見今何人收掌

一、畫到宗枝圖本並從元籍房親鄰人保勘
當官彩畫已若有爭差罪及親隣當該

官吏

一委官辦憑是否真偽抄錄咨呈

一憑襲替告陞人負總司並用勘合咨呈憑
有告陞人負雖有新功不經廉訪司體
覆并無功人等又無見聞不許違例濫
保

大德七年六月二十一日樞密院奏軍官每
的兄弟孩兒每父兄每的替頭裏委付的薛禪
皇帝根底奏了年紀到十八歲呵委付有來去

年俺皇帝根底奏來軍官每自己要閑推辭着
兄弟孩兒每拾伍拾陸歲拾捌歲有麼道說
着即漸委付小孩兒每的一般有軍情緊急勾
當有似那般委付小孩兒每呵用着的時分大
勾當疑誤了去也如今軍官每的兄弟孩兒到
二十歲呵教當一年僦使了得的一般二十一
歲上委付呵怎生奏呵那般者麼道聖旨有來
如今大都裏有的伴當每文書裏說將來都教
那般當僦使呵多人生受的一般有如今怯薛

裏行的邊遠出征的曾請俸錢的并沒宣勅來的不教當保使自來勾當裏不曾行來的依着在先的聖旨體例裏教當一年保使了得的一般的一般委付呵怎生說將來昨前比及阿忽台丞相入省之前俺衆人商量來伴當每的言語是的一般有上位識者麼道擬定來奏呵奉聖旨是有依恁商量來的那般者欽此

至大四年閏七月二十四日樞密院奏皇帝登寶位開了詔書凡事從新樞密依着世祖皇

帝聖旨行時分省得的題奏有萬戶千戶百戶
內并萬戶府千戶所鎮撫彈壓因功陞除別勾
當裏去了呵管蒙古軍馬的人每元管來的軍
裏委付他母的弟姪兒男者管漢軍的人每陞
除別勾當裏去了呵他每替頭裏委付別人者
麼道世祖皇帝立定體例來在後使兒識的人
每捏合旨誦文書委付了的也有官吏親面皮
改違了世祖皇帝定制在先委付了的人每也
有來別了大體例主仗着委付了的也有如今

從新極治的時來上位明白奏知管達達軍馬
人每的子孫於元管軍馬裏依例委付管漢軍
的人每因功陞除別勾當裏去了呵依着世祖
皇帝定制他每的替頭裏委付別人今後聽了
聖旨故違元保來的官吏并明知道主仗着委
付的人每根底教監察廉訪司官察知呵罷了
勾當斷罪呵怎生議定來奏呵奉聖旨那般者
欽此

至元二十八年正月二十三日樞密院奏探

馬赤蒙古百戶每在意來呵與千戶的名分交
漢軍新附軍裏做千戶去呵他每的兄弟孩兒
每根底根脚裏百戶委付呵怎生擬定來麼道
奏呵那般者聖旨了也欽此

至元二十七年正月十四日尚書省奏福建
省官人每與將文書來這裏賊每生發呵管軍
官管民官每與他每一處相殺有陣亡了的有
呵軍官每的孩兒每根底承襲的體例根底有
陣亡了的民官每孩兒每根底依着軍官每體

例裏委付呵怎生說將來有俺商量得民官每
委實是陣亡了的呵那的每孩兒每根底比他
耶的勾當低貳等委付孫男兄弟每根底委付
呵更比他的孩兒低壹等委付麼道奏呵是也
實是陣亡了的呵那般者麼道聖旨了也欽此
大德六年十二月中書省吏部呈議得江南
地面作耗賊人生發其牧民官迎賊相殺中間
或有被賊就陣殺傷身死其子孫承襲比之廢
例降父職貳等廢叙若本立法關防切恐因而

作弊今後民官與賊相殺陣亡者總捕盜官隨
即出給執照分付本家親人收執仍申覆本省
照知本路官司明白開寫某年月日某處地面
生發被賊就陣殺死民官某人移牒本道廉訪
司體察如有不實罪及當該官吏本省更爲保
勘明白移咨都省依例定奪都省准擬

陞叙錢穀 延祐元年十二月中書省江西行
省咨照得腹裏從陸至從赤品流官子陞校院
務等官俱有陞轉定例江南平定日久南北通

除歷仕官負贓叙正陸品官子巡檢內任用漸
次轉入流品從陸品子止於進上錢穀官雖任
數十界別無入流之例不分允除係腹裏江南
歷仕人負但除南方者一槩如此且如根脚係
江南入仕超陞之人俱經回降既將正陸品以
上子孫依腹裏歷仕人負例於流官內贓叙惟
自從陸品至從七品人負子孫止令錢穀官內
委用不許陞轉誠爲偏負如莊與腹裏從陸品
以下贓叙錢穀官一體於雜職資品內流轉其

於選例歸一吏部議得江南歷仕從陸品至從
柒品官員其致仕身故之後而子孫承蔭者若
擬不申事涉不淪亦合比依腹東蔭例一體移
咨各處行省將前項應蔭之人依例查當差使
滿日於從玖品雜職陞用都省准擬

遷轉避籍 至元五年九月中書省吏禮部呈
銓注官員各路地面寬濶若更避路不惟地遠
人難慮恐中間官員闕室碍都省議得今後斟酌
地里遠近迴避元籍除注

至元二十八年五月初八日中書省奏遷轉
官員自己地面裏休做官者道來桑哥等要肚
皮的上頭別了聖旨根脚地面裏做官來的有
有如今似這般體例的分揀了別箇田地裏遷
轉呵百姓每也得濟有也者麼道奏呵是有那
般者麼道聖旨了也欽此

服闋求叙 元貞二年八月中書省吏部呈今
後見任已除官員委因親老自願棄職侍養者
宜准作缺闕終服闋方許求叙若朝廷奪情起

復者不拘此例都省准擬

病闕 大德六年六月中書省吏部呈即目到部患病作闕官負所給解由多不依例保勘中間有無規避若便行移勘當不唯往復逗遛文繁亦使求仕人負停滯生受今後似此人負擬合通行照會須要依例保勘完備咨申定奪都省准擬

終制 延祐元年五月中書省禮部呈至大四年三月十八日欽奉詔書內一欽官吏丁憂已

嘗著令今後並許終制二十七日以厚風俗
朝廷奪情起復并蒙古色目管軍官員不拘此
例欽此除欽遵外議得官吏下憂雖子職之當
爲終制起復亦國家之厚典諸職官見任者從
本衙門已除未任者從元籍官司隨即給由有
出身吏員人等已及考者一體起發文字以達
吏部開會完備依例照陞陞注終制日照會
合屬起復從仕外據未及考吏員人等在山吏
部在外合干上司籍記姓名服闋先行貼補部

省議得丁憂職官服闋不次銓注吏員人等未
考滿者終制日先行貼補餘准部擬

致仕 大德七年七月二十日中書省奏在先
體例裏做官的人每年紀到柒拾呵勾當裏不
行有來如今做官的年紀老的人根底依着他
每的言語委付呵耽誤了勾當去也今後除側
近行的集賢翰林院裏用看的有知識老的每
外其餘內外做官的人每年紀到柒拾呵參品
以下官員他應得的品級添與壹等散官教閑

呵怎生麼道大都有的伴當奏將來有奏呵奉
聖旨那般者欽此

給由 至元二十二年四月御史臺近爲各道
按察司并監察御史任滿往往不行依例給由
雖有具到歷仕根因舉明文解俱無保結任內
有無粘帶過犯及不見開寫行過事跡以致無
憑考校本臺議到下項事理

一按察司官行臺監察御史今後如遇任滿
得替咨申文字開寫某官姓名年甲籍

貫入仕根脚請俸月日并任內刷過卷
宗追到錢物彈劾官吏起數保舉可用
人材所陳利害及應行過事跡移牒本
司照勘完備從實保結開申監察御史
行移察院依上施行

一經歷知事任滿得替開寫某官姓名具年
甲籍貫入仕根脚實歷請俸月日并任
內行過事跡呈報本司依例照勘完備
保結開申

一書吏通譯史奏差人等今後如遇考滿及
書吏歲貢者依上開寫年甲脚色籍貫
實歷請俸月日勾當其間有無過犯保

結開申

至元二十一年七月欽奉聖旨條畫內一款
各路府州司縣任滿官員如中間實有贓污不
稱職任當該官司循情濫給解由或本無粘帶
故行刁蹬留難者並仰提刑按察司體究申臺
呈省

公罪 大德十年三月中書省刑部呈所掌官
吏過名文冊於內多有稽違斷罪罰俸免罪不
碍銓注累遇原免止依常例依前照勘議擬虛
致文繁停滯求仕本部議得前項官吏稽違公
罪過名已經革撥不須開寫都省准擬

舉保 至元十三年閏三月御史臺欵奉聖旨
條畫節該諸官吏若有廉能公正者委監察體
察得實具姓名聞奏隨路州縣若有德行才能
可以從政者保申提到按察司再行訪察得實

申臺呈省欽此憲臺議得今後保薦人材皆須
直言所長務要名行相副如自州縣舉保從本
屬總管上司牒委正官復察相同移文按察司
委官體訪如有按察司舉明者舉官訪察得實
移文本司別委正官復察相同各開着明實跡
前後保察官負職名保結申臺若保舉職官亦
仰依上復察在任爲政各各實跡保結開申所
保不當罪及保官

大德玖年六月欽奉詔書內一款孝子順孫

曾經旌表有才堪從政者保結申明量材任用
大德十一年十一月御史臺會驗欽奉聖旨
條畫節該諸官吏若有廉能公正者委監察體
察得實具姓名聞奏隨路州縣若有德行才能
可以從政者保申提刑按察司再行訪察得實
申臺呈省欽此先為所保人員後無實跡議得
風憲之職責任尤重苟非其人不可妄舉今後
但有薦舉人員須要從公明白開寫五事廉能
異政各各實跡及舉察官姓名申呈

至元二十一年五月御史臺照得欽奉聖旨
條畫內一欵諸官吏若有廉能公正者委監察
體察得實具姓名聞奏欽此即不曾許監察等
官擅行公文於諸衙門保人委用近年以來內
外臺監察御史每有保舉人負多不呈臺但移
文各道按察司并諸衙門錄用蓋自恃其勢可
以必行名曰公文實則私意即與陰相囑託無
異今後凡保舉官吏及草澤之士並須指陳實
跡呈臺定奪不得擅行公文於各道提刑按察

司及諸衙門保舉委用其諸衙門亦不得承受
所貴公道開明仕途清肅無倚公濟私之弊

至元二十七年十二月尚書省會驗外路諸
衙門凡有稽違公務必須差官催問近年以來
所委人負多不奉公下程便與時望官員扣氣
相結營幹私已勾當臨廻索要保舉文字不惟
事轉遲留實有傷於大體今後凡有差官催問
取勘勾當着緊辦集無得似前保舉若差出人
員果有勤幹實跡朝廷自有區處

至元三十一年正月中書省吏部呈近年以來行省宣慰司內外諸衙門將未考滿令譯史人等并受行省宣慰司劄付根脚淺短州縣諸職管官擬注窠缺舉保陞用看詳今後缺官省部銓選自有奉報照勘銓注各衙門例合保用者亦須保選相應人負如違嚴加究治都省准擬

大德八年五月中書省御史臺備監察御史呈自阿合馬桑奇賽梁輩相繼秉政貳拾餘載

輕用官爵重貪貨財濫放冗員沮壞選法奸邪
得位貪殘牧民遂爲天下無窮之害大德七年
二月更新之後聞各處行省宣慰元帥等官復
用白狀公文泛濫保人此途一啓倖門捷徑不
可復窒若不力塞弊源恐政綱隳紊濫選橫流
其患不可勝言也吏部議得銓注官員所宜選
選白狀保用焉得其人如准所言誠爲允當都
省准擬

除授身故 至元八年二月中書省議得今後

奏准除授官真宣命勅牒未經祇受遇有身故
者擬依舊例聽親屬告請給付其家奏奉聖旨
准

投下達魯花赤 皇慶元年十二月二十七日
中書省奏八不沙大王他每投下的斡陽路裏
教薛兒帖該小名的人做達魯花赤與將文書
來臺官人每淹根底與文書那路裏所轄的州
縣裏他的弟兄每做着達魯花赤有似這般路
分所轄的州縣裏弟兄每做達魯花赤呵其間

相讓的呵勾當裏多有窒碍道俺商量來他
每的言語是的一般委付呵勾當裏有窒碍百
姓每被擾這薛兒帖該依着八不沙大王保將
來的委付那路裏所轄的州縣委付來的弟兄
每都革罷了八不沙大王根底說將去替頭裏
教別委付人因着這的其餘路分裏各投下似
這般委付了的革罷了今後做通例休教這般
委付呵怎生奏呵那般者麼道聖旨了也欽此
到選被問 至元二十四年七月尚書省御史

臺呈紹興路達魯花赤嚴忠祐收受金少保錢
物却行奏准僉江浙等處行中書省事追問得
刑部令史傅若弼狀招押過閩吏部根勾嚴忠
祐文字本官親行囑託以此相耽玖拾肆日以
致除充本人斷訖罷役外本臺看詳臺察所按
不公人負具呈到省雖令刑部勾問仍送吏部
照會比及追問明白不許銓除都省准擬
教官不稱 大德八年九月中書省兩浙江東
道奉使宣撫呈浙東廉訪副使臧奉政言學校

教化朝廷急務而有司視爲緩慢宜乎教化不行風俗不美也今之爲教授者半非其人如龍興路教授閔節夫本以道童善撫琴見知當路遂得前缺到任之後席卷學糧壹萬餘碩憲司非不追問因緣計囑反與隱庇回護繼而在逃竟置不問乞行分揀如德行文學可爲模範者存留不學無術者汰出選真儒俾之典教庶無負聖天子崇儒重道之美意送禮部回呈准集賢院關看詳各處教官止憑省部連到所業文

字考試中式回閤貴部銓注案閣若教官委不
稱職或侵盜學糧合從廉訪司依例糾問本部
議得合准集賢院所擬劄付御史臺依上施行
都省准呈

行省令譯史 皇慶元年十二月二十六日中
書省奏准咸繁事內一件節該各處行省并所
轄衙門令譯史怯里馬赤知印宣使奏差典吏
人等須要照依元定通例相應人內補用不須
一一咨稟准設其或補用違例不應者行省從

通鑑卷之六
監察御史宣慰司等衙門從廉訪司取具應設
人數各各歷仕脚色依例照刷但有不應之人
截日革去追徵支過俸給其或糾察未盡者雖
考滿到部依例行移追俸役過月日並不准算
匠官 皇慶元年十二月二十六日中書省奏
准減繁事內一件節該行省所咨考滿匠官都
省判送吏部比對勘合移關工部定擬似涉文
繁今後行省別置匠官勘合文簿發付工部收
掌就行判送比對完備定擬窠關移關吏部依

例施行

俸月 至元十七年二月尚書省近爲內外諸衙門保到有出身令史譯史通事知印宣使奏差人等吏部依例開會行移戶部照勘請俸月日爲各處俸冊未到多不完備阻碍遷除議得應有到選此等人員如各衙門文字保勘實歷請俸月日明白者再取各人別無詐冒重其執結已後俸冊到來查勘得却有爭差情願罷職永不叙用取訖如此文狀依例遷用

令譯史通事知印 至大元年十二月中書省
吏部呈今後臺院行省貳品參品等衙門職官
令史合於得替見任已除未任相應流官內選
取都省議得除得替未曾給由見任未經注代
急缺去處外餘准所擬

延祐二年四月十七日中書省奏漢兒吏道
從染品妻付已上休妻付者教授秀才出身并
職官內選取來的令史依舊例妻付者麼道聖
旨有呵俺行了文書也在前不曾立料舉的上

頭用秀才呵難選有麼道臺家也曾奏來俺商
量來裏頭省部臺院等諸衙門在外行省宣慰
司廉訪司路府州縣用的人多有時下只用秀
才呵選不勾有如今但是有出身衙門合設的
令史教教授秀才根脚是秀才裏做令史來的
人內選取不勾呵職官并吏員內選取月日滿
呵依着已了的聖旨吏員從柒品已上不委付
秀才職官依舊例委付路府州縣無出身的衙
門裏合用的令史秀才生員每內肯做的教做

呵怎生奏呵那般者麼道聖旨了也欽此

皇慶元年二月初五日中書省奏六部漢兒
令史壹考之上轉補貳品衙門令史蒙古必闌
赤那箇衙門裏行呵只本衙門裏考滿有這般
呵偏負的一般今後諸衙門蒙古必闌赤有缺
呵依漢兒令史例除職官外省裏有缺呵貳品
衙門喫俸人內選取貳品衙門內有缺呵六部
蒙古必闌赤內發補部裏有缺呵教省書寫每
行呵怎生奏呵與漢兒令史一體有那般者麼

道聖旨了也欽此

延祐二年三月中書省吏部呈諸衙門蒙古
必闌赤舊例俱從翰林院試驗發補皇慶元年
十一月初五日蒙都省奏准依漢兒令史例轉
補以此叅詳今後蒙古書寫典吏及各路府州
合設蒙古必闌赤照依舊例從翰林院試發外
其餘諸衙門蒙古必闌赤並依漢兒令史例轉
補其轉補不盡者考滿依例定奪都省准呈

大德七年二月中書省江浙行省咨法里馬

赤玉連赤不花告假遷塋作缺理合於相梯衙
門內補貼月日緣怯里馬赤有缺例從長官選
保吏部議得今後通事知印經值衙門例革告
假遷塋或因事作缺人等擬合於本衙門及相
梯衙門宣使奏差內貼補月日扣算通理考滿
遷用都省准呈

皇慶二年五月中書省御史臺呈河東山西
道廉訪司申河東宣慰司令史於本司書吏內
取補緣廉訪司係按治衙門僅有圖望進取反

加超附傷公敗事深爲未便吏部議得已補人數別無定奪今後有缺迴避本道選取其餘去處亦合一體都省准擬

通制條格卷第六